

點蒼山人詩鈔

點蒼山人詩鈔卷六

雲南叢書集部之三十五

太和沙 琛獻如

段鳴齋知將出遊至飛來寺送別未值却寄

甲戌

泛駕茫茫只漫遊重勞相憶遲山樓離情却寄橋邊柳
宛轉河梢到洱洲

山路木香盛開

夾路瓊瑤簇露華濃香引惹向天涯芳因欲共香巖證
屋裏沈熏底似花

白巖感舊

人事如雲促變遷彩雲橋畔畫樓前故人攜手惜遠別

生死悠悠三十年

倚江鋪納忠憲王墓下

茫茫人代疾難憑邊徼勳勞蠹簡徵夾路青松蔭行客
無人知是憲王陵

青華鋪寄袁蘇亭廣文

擬向髯仙醉一餐山城咫尺先生盤腳夫趨程不聽客
盡是人間行路難

姚楚道中九首

白石清泉碧樹圍溪行欵欵度斜暉落枕撩亂魚鱗影
翠羽一雙來去飛

勉學戎朱自僂身舍人爭席道方真相逢不在寒暄裏
豈好人間陌路人

陣陣飛花罨草青暗香霏拂上溪亭深山春意不珍惜
的皪亂枝開素馨

隱几山樓萬綠春荆葵薄釀亦清新山家給客無鮭菜
采采紅芽古大椿

年少難忘舊此行刺桐花裏踏歌聲淋漓一石留髡酒
紅袖週遭唱月明

綠柳紅橋漱玉汀神仙離合綵雲停五樓等是鴻泥爪
還水平山未了青

回磴關前破賊回平章從此被嫌猜妒心一點妨賢急
昆海茫茫有劫灰

雲曲道中十首

有意無意雲合離雲頽樹偃泉奔垂奇觀最愛師林石
恨不雲林見此奇石雲葬

一死酬歡釋兩危青樓俠骨豔當時而今姓字無人識
欲訪桃根那更知棟橡街

湖上雲開翠鳥浮泥塗車馬自啾啾詩情誰似蘭徵士

盡日凭欄對水鷗

蘭徵君芷菴祠凭欄句先生詩也

嶺路縈紆闕古祠枯杉鐵立苑新枝披雲漬雨闕人代

漫滅武侯盟巖碑

關嶺古杉

野漲迷津渡沿緣月掛村
卽今迂路改猶自影塵根

益新橋塘

野曠人烟少天低霖雨冥
老樹緒都古連山燕麥青

威

石罌深藏土窟山民逐利星星奇哉創用誰始得火豈
花泛青

松韶關上石崔巍來遠鋪前行客稀
一路松韶聽不徹
離離風氣濕征衣

蘚石斑筠夾路叢杜鵑啼血淺深紅
山行始盡花情能

豔萋濛濛煙雨中 杜鵑花

鎔光雲氣墨波潏颯颯山窗響亂筠茅店不愁眠聽雨
而今行路是閒人

可渡河和吳梅村先生原韻

翠屏巖上欵禪關倚檻驚胸兩岸山金馬千秋傳燹道
銅山一線轉烏蠻蓬蓬湧雨雲搏上撲撲深林鳥猝還
舊是相如馳檄路駸痕重疊蘚花斑

歸路又和

彩雲西湧碧雞關歸路昭曉可渡山隨意逍遙忘鷓鴣
澄懷得失等蜩螗金丹自古仙靈秘歲月何由逝水還

繞壁自尋前日句
墨花經雨翠斑斑

盤江

可渡橋邊問水盤
江從此洋洋力能排
山到海可惜閒曠
蠻方可渡河

翠屏崖僧寺題

絕壁梯雲上碧空
思量此事亦神通
若教名利心除盡
便是三關透徹功

馮登瀛鎮府雨中小飲

總戎坐嘯日舒長
蒿目窮黎歲浹荒
翦燭雨臆談海嶠
艱難猶不屬山鄉

烏撒喜晴和楊升菴先生難逢烏撒晴原韻

容易黃河清竟逢烏撒晴昔人悲遠謫今我適閒行雲
帚倒回岫龍菹青到城遐荒詩自遣等是可憐情

威寧八首

幽谷雲蘿碎翦霞清新適我興無涯籃輿好注軍持水
滿浸園林未見花

島石嶙峋草蕩長雲腥雨膩暗發鄉權奇不少龍坑馬

一例銅山老運綱

烏蒙海

石磧如沙磧蕎農雜稗農金寒蕃健馬海濶恣淫龍

山半雲橫樹杪平上山微兩下山晴沿溪石磴嵯嵯起

又向白雲行處行

新塘

蹙聲空谷聽寥寥
路轉林開野霧消
啼鳥遠呼沽酒酒
花邊不見挂笳飄

當頭路轉俄逢坦
擁鼻詩成喜不禁
習苦蓼虫甘嚙葉
弄晴山鳥自憐音

出雲降雨胸爾萬
穴千峰竊然不辨珍
逢牛相直堪拜
殺米顛

茸茸萬畛擴田園
絕壁玲瓏瀉碧潺
第少苛求來狹口
更從何處覓桃源

隔遮河

水城至安順道中十一首

蘇東坡言金 卷二
突姑東下水奔流橫纜千重悍不收到眼茫茫山似海
驚潮過後亂漚浮

競將金碧畫崔巍老米灰堆妙染煤何似水西西浦上
拂人濃翠一堆堆

峰如聚米連高困巖似揚帆峭碧氛兀兀籃輿消永夏
茫茫身世屬迷雲

蘇石玲瓏細竹斑青崖繞屋翠屏顏村翁不解開牕牖
却拚銀墻畫墨山

元兵囊渡定滇疆下水高飢勢已張鬼國有人憂宋社
惹他朝士笑荒唐

空堂塊獨思無何
撰轡高翔重障多
遮莫壯心人似鐵
青山如礪與銷磨

急雨中宵迅轉雷
烟風洗淨曉山開
懸崖百道銀瀧下
併起長河殷地來

大崖脚

跨壑穿巖盡職方
奇標異構只尋常
濫觴晉宋譚山水
到此因知失望洋

著相見聞同是漏
集緣世界習成歧
塵還牆壁還無壅
好看黔山變幻奇

男把芟鋤婦墮禾
山花簇簇簇香螺
那知人世姬姜美
笑語依依嫵媚多

詩有卜言金(卷一)
六
鯀易河沙晁夕隳垂空篠簞石續紛東巖淒喚西崖應
聽徹清猿和白雲

貴陽五首

曉氣澄澄日上團千山東輕楚天寬蘭沅源上思香草
煙水雲山更森漫

黔寧山曉望

城郭深巖嶺阜通苗蠻四面領華風須彌一葉青蓮土
世界含苞萬藥中

遊南橋

倚檻千峰出女埭虹橋雲樹舞淪漪憑誰墮却巖端廈
放眼穿天雲洞奇

雪崖洞

孤雲靈鷲欲何馳垂老方知學道遲遙蕩恣睢途轉健

乘成天地大爐錘

古有遠求勾漏今無人乞貴州瑩瑩丹砂滿市渺渺葛
令風流

貴山陽明書院感懷

山川有險易及境乃得窺人心有險易未境已潛滋平
地陷阱納斗室車馬馳誰使復誰覺所妙自知之憧憧
百年內恍惚不自持有時發惺寤寤聞見逐外移湟湟塵
埃鏡失此照用姿奇哉陽明子一唱致良知

四時運用行不待何以行百昌日夜生不謀何以生人
心唯虛靈格致此虛靈靜無禪縛苦動無外蔽繫學問

既核實功業非剽營知行理無二厥義實泓澄紛紛排
擊者無乃失心平斯人已千古不聞來者聲窅窅貴陽
山浩浩雲烟橫

題松門池館四首

巖城萬廈感鱗釜勝地清深敞洞天簾幕重重隨意捲
好山都到畫樓前

平開璧徑遠林巔碧水長橋鏡影懸鷺地荷香廊檻轉
田田風葉翠無邊

竹郎山水擅幽奇錦石銀泉嶮谷漪盡日雲風晴又雨
層層蒼翠上玻璃

樓閣參差畫不如木蘭牒子見花初山鄉確犖難消暑
慰我荷纒舊日裾

札座駟見林念杭司馬題壁

雪泥指爪認飛鴻舊館人猶惜寓公百丈帆檣航大海
也憑人力也憑風

播州寓六首

才人遠摘古來愁急難交情見柳州自笑平生輕萬里
六年兩度播州游
夜郎盤曲五溪遙雨後峰巒暮露消明月一池清似水
無端惆悵憶龍標

長橋百坎連錦石漱平川小立披雲海颯颯五十絃東
門橋

櫟林被山坂處處鳴絲機焦守舊遺化樹中出妙衣華嚴
經語題焦太守祠守山東人教
民以櫟林放鷺織繭郡以富庶

遮連播州山峭倩來青閣涼風生老槐雲影高不落閣在

郡署
東苑

搖曳湘溪雲漸拚桃山洞白雨過城頭篠簜懸崖弄來青

關望桃
山來雨

飲任恒齋協府池館

方花鏤古楚戎府何沈沈老桂沃洗滌炎天涼陰森府

爲湯應龍

故巢穴

谷應清談響花深密坐移山園風味別蓮子摘芳池

游桃洞山太白樓贈陳復廬少府

巖亭林榭簇雲岑仙尉風流寓遠心世界也須人料理
最難山水得知音

陳復廬索題太白樓詩

巫山江上脫青蓮生幸汾陽爲沈愆當日酺恩曾不預
而今爭借夜郎天

雨後福靜園太守招遊竹林諸寺飲謫仙樓上

白雲拂拂透滌袍照眼奇峰湧近泉洞入曲珠穿蟻徹

巖猶斷石駕竈高靈山欲倚謫仙重異境何當康樂遭
亭榭重重隨處好深篁雨滴響琅璈

太守心怡雨滿川相攜石磴上層巔青森蠶野千林樾
台脊人聲萬井煙遠岫嵒嵒雲海盪危樓縹緲藥珠懸
朝餽莫遣行觴急水色山光正潏然

黔西道中三首

播山點點透雲天南望牂牁嶺折旋陸海萬波人一芥
不知何事此留連

當橋賣酒龍鍾叟倚石檣椽三五家飛瀑隔林翻白雪
丹巖射日爛紅霞

草駁溪西低夕磯崎
臨登頓痛夫遇摺疊層巖架簡輒

呀囁飢腹嬉書癡

革駁溪集
書厓戲題

大定道中十二首

到來洞口見人煙
洞裏川原好稻田
眩眼游人穿洞出

又戀一洞達青天

路穿厓塘舊路穿洞出入塘東
西無厓不洞無洞不穿奇極

聽徹清溪九曲迴
萬山西豁攬風臺
印雲笮雨交參錯

天地悠悠鑿空才

大定東坡望
漢甸諸大山

壑巖種包穀蓬勃青
巒巔樂歲炊珠米
生涯仰石田

警眾看蕎豆鑼聲夜
還聞寧知淮汝上
拾麥廣成羣

織錦飾苗衣習尙頗
華靡流移日漸增
苗衣亦藍縷

苗財盤可盡苗土墾無遺前人趨利至適得後人飢

眯眼塵寰局局行空山雨過晚涼生長溪雲氣平如砥

千仞岡頭看月明

望夜新
屯嶺

盤磴鱗鱗盪水聲平心坎險不平平身塵世界塵塵等

毘舍如來證記明

六歸河

細草繁花構石苔荒塗宛轉淨無埃翩翩異蝶嬉晴景
飛向籃輿去又來

古戍明師壘荒祠漢禱山瓶高三竹水天近七星關

七星關

蟠蟠嶺路逼青天名利艱辛客不停恰似海人甘食鹽

重重堅殼一蠔腥

銀厥溝

月出東崖底斜輝生澗陰
象龍上石角知我延佇心

目界河抵楊林十首

買酒滿酬興力回看吾磴雲班勞渠重爾百舍出我二

鐵圍山

理鍛終朝忘暑撫琴得趣非
聲道人看經遮眼閒客遊

山當情

喜見青松滿道黔中久未相逢一錢飽餐玉粒五鬣響

助金風

溪聲喧白雨雲氣島青峰
驀地斜陽出長虹落瀟松

大龍嶺上摩雲栢疊巘遙巒割澗坳落日芊茸平等儼
倒垂荷葉萬千苞

目極西南萬里天藐身今古思悠然青松遶道晴雲白
無限平山疊眇綿

烏龍箐底雲蒼茫白塢鋪前風雨狂傍道老松不蔽客
龍鍾石丈嗔郎當

大壑松濤萬派潺雲煙漠漠暗隆川細雨暝鐘關索嶺
少年長路景依然

燦爛虹霓起半空海潮寺外夕陽紅莫愁晴雨無憑准
秋在湖烟樹靄中

山程到此總逡巡，泉性由來也具塵。毒水碑前閒討究，

知何附入謾妨人。

壽水和西林中堂原韻，泉今可飲，知前有附入者，非水毒也。

海潮寺和鄂文端公題壁韻

走馬當年似轉丸，今來已覺路盤跚。半生遊宦一嘗指，
險走驚心百尺竿。湖上亭臺披曉鏡，雨餘雲氣裊層巒。
留題最愛西林句，塵土身名等自看。

又和

紅日奔跳疾，彈丸朝朝相逐。奈蹒跚不妨，阮籍窮車趣。
難舍任公舊釣竿，渺渺扁舟歸別島。離離尺篋記仙巒，
蕭閒等負名山約。袖手看人，惋自看。

板橋龍潭

巖洞晶瑩勺水遊鱗紛逸行空憶曾投石深宵頃刻雷
雨冥濛

駟亭有感故同年戴崧雲

罷甦歸塗共酒瓢棄繻心事耿難銷淒迷廿五年前約
秋雨秋風舊板橋

題店壁

樂府高情興採薇隨流宛轉莫心違忘憂信有馳驅樂
泐泐天涯安所歸

碧雞祠村塾訪張懋齋不值

擬得長談欵絳紗故人歸棹渺昆涯蒼苔小院香雲滿
山雨霏霏濕桂花

迤西道中十四首

蒙茸綠嶂感人家樹底長橋石塹斜三十六灣蘭谷響
猩紅開遍刺桐花

雨後秋光闕鏡奩曉峰重疊黛痕添閒雲也戀人寰好
山下淳澗懶上尖

樹影橋邊合雲情雨後閒小樓無限好人倚夕陽山
炎蒸鬱林莽兀坐待遲月炯炯入蓬窗寂爾蚊雷歇
露重秋光白山深曉意寬沿緣修竹下幽鳥噪晴歡

西風渲染雁來紅
籬豆繁花蔓紫茸
繞屋秋菴霏絳雪
天然景色艷山翁

雞聲人語馬蕭蕭
獨客閒遊未寂寥
野霧漸分層岫出
光光落月滿沙橋

山橋雨過裊寒煙
禱禱幽光照水邊
空谷佳人修竹倚
淡妝婀娜出天然

木芙蓉

千峯萬壑朗晴川
積翠澄澄海日鮮
雪影依微三百里

點蒼高出彩雲天

普朔道中
望點蒼

葉鏡湖邊熟萬疇
家家開柵放耕牛
炊煙翠抹平山轉
窈窕青林一壑秋

詩情飲興較增無，青海雲平紫稻鋪。爲報先生多置酒，

齋田今歲十分租。

青海道中擬示
袁蘇亭一笑

波羅江水百谷連，定西嶺上初涓涓。一路清音到西洱，
歸雲迢遞琅玕仙。

花柳送客春濛濛，龍尾關河路正東。一度人歸一度老，
却憐秋柳踈秋風。

幔亭喧鼓樂，擁路看婆娑。自有還家樂，點蒼明月多。

中秋江津
洞賽會

鄧川楊貞女詩

五星在天上，不專何宮垣。正氣在人間，不限何山川。鄧

賤昔蠻邦美色生禍端鐵釧識燼骨糜身甘重淵夫婦
而宗社抗志憎雄姦時節弔星回千古留悽酸婉婉揚
氏女禮聘寒素門中道罹天折慷慨死投纆舍生良不
易寧復矯激然於心一諾竟身也從可捐豈以未成婦
躑躅使心遷直木不曲生白華非自湔荒涼德源城節
義相後先彌苴何悠悠清風回漪瀾人事萬不齊昭此
冥冥天

思茹陳貞女詩

思茹隸職方曾未及百年草昧而詩書渺茫嶮遠間陳
氏有貞女赴義何軒軒女德在三從中正協經權身從

與心從推析難究言大智循其本人事實補天忠信結
精誠形性無拘壺何必同衾裯恩愛始纏綿所慟夫死
貧旅櫬羈瘴山寄身叔翁家夫兄孳且孱貞女幼讀書
自信金石堅誓往負骨歸阻茲物議煩輾轉慰立嗣忽
忽逾二年貌身無姑嫜遺羅慈母憐一死事則已相見
卽黃泉慷慨而從容委宛百折全明明噉日心歷久道
彌宣儒有良知學佛有頓悟禪從來貞女義常變皆自
然恢恢道之奇揚推無竟禪

城西園野梅花歌

半冬晴暖梅花遲荒城出遊無所之斜暉滿山黛色重

流泉夾路翠草滋城西籬落得花早開遍野梅如棘枝
蒙籠竹篠壓冰雪礫硤鍊幹蟠蛟螭素萼迸珠照點點
輕花散淞含颺颺荒林寂寞不見賞幽香漠漠烟雲披
東閣官梅助官興孤山妻梅縈誕思梅花風格豔人口
畢竟真梅人罕知官妝細綺近妖麗九英檀暈繁蕤蕤
畫家畫梅得三昧施朱著粉無相宜野梅淡淡入圖畫
疏枝瘦影神清奇人生嗜好各殊面唐突刻畫誰鹽施
已脫俗豔免禁折却異散木來譏訾古香古色自榮落
時有幽人同襟期巡巡索花共大笑誰其德者梅支離

城東園老紅梅

荒榛斷莽凋繁霜春光蕩蕩揚孤芳落霞一片暈紅紫
雪膚仙人酣羽觴杖屨蟠鬱大合抱朱顏却詫梅花老
淒迷野霧飄豔香繽紛彩棘凌清昊太息何人舊此家
園亭頽盡一株斜變換百年長姣好不是天桃兒女花

哭李春麓師

一別不復見百年徒有生孤恩心自楚蹠地世無情奎
野星躔隔魚山夢影橫傳聞終恍惚萬里訊難明
京師居不易憐我困多場黽勉曷無有提撕日就將行
藏蘇蔭遠盤錯繫心長寧識鹽車下摧頽負樂良

采藥踰淮水江干訪故人星光移未照縣令最風塵道

境清癯異詩評激賞真只今如昨日蹇蹇十番春
海內傳封事杭嘉在頌聲自從歸養母百不欠生平傳
火薪樵續乘雲海岱清所悲人在遠絮酒幾時傾

春陰乙亥

小樓濃暝色細雨杏花明迢遞寒烟渚濛濛草又生

辛夷

木筆濡春雨江淹夢裏花春風不拘檢潑墨染飛霞

聞傅嘯山放歸

男兒志意耿難磨得失心輕宦海波介子已聞歸絕塞
譖人捫臆復如何

難把恩怨計苑枯斯人直道忍淪胥乘風亂鼓翻雲手
捉得狂花住也無

述古

莊子貸監河潤仰升斗需惠施從百乘煌煌遇孟淵握
手一歡笑趨合良殊途去去笥中鱗何用此多魚

暮春連雨

點蒼消雪翠斑鱗草樹濃煙入檻新爛漫晚花深對酒
蕭森今雨耿懷人殘春可愛情難措漸老於閒味始親
幾日邨泥雙燕子飛飛畫棟哺雛新

擬答春光柰怎酬鶯聲宛轉雨絲稠有時厭看山多態

盡日依違雲滿樓紫粉離離迸籜笋高花冉冉下林樾
小窗遠水青於染寂寞寒煙野渡舟

西溪雨脚渡斜暉離合烟雲鷺嶺飛香草纈紛連清暗
落花迢遞餞春歸蕭蕭却憶巫山曲漠漠還飄玉女衣
可奈良時成白首千山萬水滯驂駢

新荷

淪水石池滿卷卷折新荷晴暉瀉珠露宛轉濡庭莎有
美懷佳人浩言澤之陂含苞鬱朱夏遲此紅婀娜悠悠
汨河水日夕空澄波

羽扇

山氣鬱雲水晴雨時飛颺
闔風萬里界磅礴森點蒼黛
色溼天宇巖瀑垂淋浪穉事
竟盛夏袷衣饒清涼我有
白羽扇皎潔如秋霜時復自
珍愛無用爲捧揚棄置諒
有宜眷言匣笥藏

夢左杏莊刺史

垆野故人遇驚心噩夢殘
想因推獸守機氣隱鮠桓老
境端居好名途撒手難迢迢
無問訊何自釋疑團

偶成

沈烟雙縷碧氤氳盡日簾櫳
疊水紋解帶雨聲脩竹動
倚樓山翠半江分窺臣未分
甘鄰子晤世端知笑尹文

一念油油時起倒呼觴急爲掃迷雲

馬漢才招遊沙村北渚

新晴揭山翠映發洱波明
蒙蒙萬柳烟渚激劃縱橫藉
草幃密葉玲瓏沙水聲
故人妙清興鱗荇芼薺鯉夕陽
鶴洲尾島嶼豁崢嶸
東北巨山藪雞足首傳鐙斜光見
頂相閃爍古金庭
谿壑滂雲起雨氣百千層
長虹掛餘景變幻警仙瀛
流觀渺何極怡此閒居情

夏日卽事

長瓶滿浸乳膏融
山市山花下雪中
珍重碧幃新豔異
雲霞標格照鐙紅

翠蔓金沙引徑斜，泉聲澗澗繞人家。
仙人掌上金菡萏，亂石巖牆骨董花。

雲山烟渚雨模糊，青草牛羊有塞酥。
忽憶江南鱖正美，自刪新笋芼醍醐。

琉璃萬頃漲晴瀾，十九屏開碧玉巒。
何處更容炎暑著，寥寥長日洞天寬。

上關花事愁供役，翠葉紅柎化遠埃。
乍喜台峯深寂闌，雲端一樹木蓮開。
五台峯

七二崇祠景地分，遺他張盛古斯文。
茫茫往跡俱塵土，光怪寥天化彩雲。
木馬邑懷張叔盛覽

迷離蝶樹干蝴蝶啣尾如纓拂翠活不到蝶泉誰肯信
幢幡鬢蓋蝶莊嚴

上關蝴蝶泉

柳港重重浸漲潮菰雲萍雪引鳴橈老夫別有觀魚樂
踔厲金鱗透網跳

沙村柳港

行街棘唱滾三絃酩酊酬龍野廟煙楊柳橋邊人賣雪
紫城六月好涼天

星回萬火弔仙鬢七月划舟競洱灣綵藥村村換次舉
天教節義點湖山

弔台會

紫稻花香應木犀春秧秋實入冬齊民天滋味徐徐美
不遣三農病夏畦

雨中秋海棠各種盛開

沉酣竹醉與扶頭
今雨蕭森翠影酬
倚檻小山苔峭舊
嬌紅滴滴海棠秋

獨漉篇

獨獨漉漉泥行卻曲欲出門
無車欲渡津無梁拔劍捐
雲雲不開但聞霖雨寒
聖浪浪烹肥擊鮮沉飲流連
濡首皤皤回憶壯年善哉相逢來日大難
男兒快獨平生
生不成名沒何賢
汝獨何人學神仙
遨遊青天中
其樂不可言
用太白句

秋霖雨

三伏度淫雨庶及秋節晴秋雨復綿綿曉夜淒寒生草
木雜莽莽瘴茲杭稻榮端居困泥潦驚心時序更頃聞
鄧賤災決河潰縱橫豐歲蹇瘠土况乃蕩析嬰山疆事
格閱苦樂各自情臺臺彌苴雲瀾漫洱河并

斜月

霧撒雲飄擾擾泉奔竹偃
漼漼清風脫然至止明月直
入何猜

喜晴出遊

曲折秋泉響陂陀古石凭
晴霞分海色雨氣畫山層
隨
意行吟遠看雲舒卷能不
須勞白眼一碧是秋澄

桂花

卻也聞香未曾無，爾隱乎月宮。田地濶遺落許多株，人爲淹留久枝隨。寵從紆攀援，聊自樂花露滿身濡。

王友榆寄龍女花

盈盈玉鉢花，云是龍女施。夜半異香起，炯炯白雲氣。

牽牛花

點點疏花曉露深，竹籬秋意最蕭森。蔚藍剪取青天色，爽豁人間平旦心。

楊澤珊以洱海會日招同李鄴園諸人讌集遍遊

諸湖

辟舉家瓊嬉見客隱之借月暢開樽揭天蒼翠峯垂海
趁集魚鱗船到門

玉宇溶溶渙月華烟低山遠四無涯水禽浩浩驚雙漿
一片翻飛蹴浪花

閭邱亭子鏡塵揩萬柳垂垂接斷崖那不醉拌今夜月
古人寂寞空詩牌

划舟絃管集秋晴踵事相忘爲放生過影動泡泡動影
夕陽東下證分明

曩惹遠樹綠層層島窟玲瓏日氣蒸無數鳴榔都過海
曠晴嘎嘎上魚鷹

北湖柳巷翠縈紆
芋豔瓜雛隱釣艖
不爲蹲鴟如卓氏
忠恩老圃效樊須

羣峭飛藍挂遠林
這峯雲起那峯沉
浮萍搖蕩雲嵐影
離合峯巒向水心

問客南村已到家
淄塵狼藉染京華
茫茫人事升沉裏
若個安心理釣槎

自笑沙陽狂覆斗
却看李璿醉扳鞍
歸鴉點點向山郭
老柳參參低月闌

溪雲

朝光揭陵岑
溪谷渡雲蜿
卽離小樓平
點蒼忽近遠

一真院訪德昌上人

真理率自悟衲子例謾人隔林歛木犀何似卽花聞煦
煦破襖師虛冲無畦眈瘰骨耄彌矍定亂邈不分洪鐘
寂聲響一叩徹高曼疑義發吾覆了了析微塵韜居側
名藍曲徑羅松筠澄秋愜所慕引領道斯存倚徙坐泉
石悠然到夕曛此生閒有餘庶以羈迷囚

南泉精舍晚坐

人定梵鐘鳴聽徹百八杵餘響拂松雲濤聲雜風雨寂
坐耿虛明繁星爛秋宇耽閑懶就眠棲禽噪夢語

朝步三門至淨土山

朝日蕩霞彩塔光流玉虹垂影百尺樓金碧輝玲瓏林
翠擁高廉臺殿開層穹踏踏長廊轉却曲莓苔濃晴暉
狎山鳥飛鳴暉宇空秋草苑萋萋零露下長松異境發
清曠靜理含虛沖却憶塵囂裏壤壤將何窮繫余息機
久林泉痼心胸童稚爾何得栩栩亦歡悰

過李堇園書樓

石徑入深翠寒泉鳴幽幽返照掛黃葉寂歷山氣秋一
宿復信信愛此林下遊李謚擁百城遁迹中南樓良談
落松影世事良悠悠塵鞅幸我釋禪縛亦焉求陶然遂
忘夕白雲無去留

輓袁蘇亭廣文

老髯從此寂音塵尺牘詢詩墨尚新千里睨然伏櫪驥
全滇失却有心人論交氣誼京華日訪舊流連洱水濱
攜古發潛千卷梓降官閒冷是良因

輓李文庭先生

文庭先生古俞和千金慷慨揮逝波大耋惛惛奈貧何
洱東要迎起人死杖履飄飄一百里彼人之生翁已矣
翁生疾惡苦罵人罵人療人兩有神奇窮奇技證所因
盈盈兩漿西斜飛猶似翁遊盡興歸

鳳山城訪袁葦塘

燕雲江樹兩懸情一笑鄉關白髮生
仙藥有靈徵老健風塵無分到公卿
躊躇善訣藏刀刃慷慨詩懷託史評
滿地迷陽餘痛定青山杯影較分明

董韶九楊舒彩招遊鳳山寺

談道紉三耳詫茲三耳山象形翥兩翼
威鳳何軒然瞻望數往來無由躡其巔
良友愜清談行行忘步屨古寺翳紅葉
晴霞爛渥丹矯矯千喬松騰拏諸龍天
遙峯邈離合紫翠交濃烟却顧所來徑
石磴高雲端隆冬百昌斂掌菓披迴川
勝境饜長日山芳羅仙筵談詩老衲子
異趣溢枯禪殷勤勸竹根松月留清眠
良常自茲始百

里非險艱

蘇髻龍池

鴉寨元師壘龍堂髻女靈山頑猶混沌竅鑿始娉婷雙
碧融晶鏡千畦飽建瓴風車雲馬馭笙筑響泠泠

烏龍嶺

巖慈東邈迤西對點蒼平人渡炎涼嶺泉飛向背聲土
囊巉石骨井谷俯山城乍欲忘冬序忻欣萬木榮

靈澤園

伏地流西汨滂洋透石垠鄰翠雙橋玉溢溢一川雲花
竹穠烟島樓臺上綺紋融道山澤氣巫祝溢醺醺

塔山街訪黃錫久

簇簇陵岑背洱濱，蕭條村落雜新陳。
震鄰奇疫成空劫，落月晨星見故人。
抵掌功名纏藥裏，杜門風雨老松隣。
廿年往事雲煙繖，也似神仙話隔塵。

趙紫笈以對山自嘲絕句索和

酒聖開簾醉雪光，晶瑩萬仞發詩狂。
山公傲我頭俱白，笑舉觀河老墮王。

乙亥除夕

隨例桃符換歲闌，梅花滿浸翦燈看。
老如積羽徐徐重，年似磨塵汨汨殫。
下吏何關談出處，棄材翻與避艱難。

須臾日出成新歲不覓來心等是安

細雨梅花有懷舊遊

丙子

浥浥江梅雨細絲皋亭絃管趁春卮倚欄岑寂山城晚
棖觸梅花舊雨時

步晴

懶日輕雲半作妍長河新柳翠翩翩今年春在梅花裏
好乞東風莫放顛

顛風頻日望夫雲起

縹車圍轉絲抽水雌龍夢斷雲窩靡俯身東望嗟天雞
瞳瞳日射貝宮紫毘藍噫氣雲亂呼直撇濤山見海底

黃姑織女河東西盈盈咫尺甘分攜
嗔癡小婢情悽迷
望夫雲起青天低一聲鷹應石龍子揚沙走礫無端倪
點蒼濛濛春弄色冰封雪泐藏花密園林桃李滿空飛
星斗朱檐遮不得喑喑危巢望歲氛知風知雨不知雲
吹花擘柳曾何惜懊惱停舟欲濟人

遊三陽峯至竹林菴讀中溪侍御詩碣

琅峯揭天起陡落三陽岑壁立萬仞石
岌鬱叢長谿古
雪絡幽壑晶晶日西含峯嶺變橫側盤礴亦何深
奇觀
屬修阻憩飲怡中林廢寺古遺構詩碣鐫禪龕
謬誇李
侍御勇退甘龍潛遊跡遍巖壑歲月消雲嵐於時諸貴

顯卻曲事姦儉寂寞豈不念寧此山水賦題咏類荒誕
誰復究其心悠悠天宇中長此去來今

立夏日

翠葉濃陰映舉觴流鶯聲裏餞春陽樓頭雨過玉山碧
雪裏花開溪水香常日閉門容我懶一年入夏愛天長
千金殫盡支離技始得平心自斂藏

李士元招遊龍華山極樂林諸勝

溪流漱鳴玉綠蘿渲塵襟滂濛白雲起遙空鈴鐸聲拾
級上崖閣碧海光沉沉南山萬蚪松北澗千石岑參差
各獻狀無勞窈窕尋短李眷清境棄官歸園林移具招

我遊共茲忻賞心折瓊羅仙筵家醞滿芳斟咫尺塵凡
隔日馭舒驟駸山水興日闢感往慰斯今

觀張景園同年畫山水

當杯磊隗澆不平點蒼對我昂崢嶸翻雲竦石泉飛聲
故人舍館城西隩朝暮清談諺不足索詩丐畫登相續
毫端照眼開林巒恍如從君遊汗漫山平水遠紆天寬
張景園以无妄被誣羈牽榆城半載昭雪後得新
興學任餞以詩

雲山相望各棲遲旦夕良談水鏡披社跡那防來雀角
慰情翻勝屬駒維點蒼雪月夏逾好吾道踽涼誰與期

此去一官師鐸重清風匝地是相思

連雨

浪浪簷溜愛紛漉簾捲簾垂拂翠筠應璩屢書謀雨謙
伯文清興述山貧江源泛漲思湖海花塢迷離洽隱淪
滿地塗泥深閉戶獨遊一頌最怡神

題周孺人雁沙集

平生愛風雅每厭閨閣詩境界隘拘束柔弱滋伊哇花
月累翦刻雲烟婉黛脂不病病呻吟隱約名心馳受才
異士夫文彩亦奚爲道非男女相我憶末山尼眞理妙
難言得者無弗宜雁沙見遺稿傾倒豁心脾本分攄直

語風水自淪漪。嫩情悟遊子。眷言三春暉。綿邈古媛契。
婉約幼穉規。攤書坐寒雨。豎義快精微。想見茶苦中大
哉。天恢恢造適不及笑。寧須雕琢施。卽今巨室寢其樂。
誰能知。忖茲報老友。無徒噉噉悲。

立秋日新晴張西園約出遊

一夕秋來積雨間。亂雲飛絮揭孱顏。出門一笑癯仙癖。
得得携觴指看山。

雙鶴橋西落瀑明。雙鶴橋東烟林清。青山翠染龍關路。
擾擾行人畫裏行。

七夕登樓

支窗西洱水新碧鏡奩中急雨旋東浦遙帆入彩虹曝
衣酬舊俗架鵲仰澄空巧拙紛人事茫茫乞禱同

雨中趙紫爰饋鶴釀

忽到青州從事佳閉門十日雨潏潏寥寥天地古人遠
裹飯輿桑別調詣

水澗

水積自生魚魚魚相食生聖人禁數罟濟以不平平水
涸魚响溼小大若爲情驚心竭澤漁虬螭亦冥冥

丙子秋太和淫雨雪霰禾不實外郡縣災澇滇民
舊不備積冬春大飢醉感十二律

漸看墳首遍，祥羊北斗南。箕自抱揚，夜靜哀鴻悽斷續。
月明幽蟀劇蒼涼，繁霜不解芟蕪。商秋雪端然，害稻梁。
銅碣銀坑，人事拙難將積貯，問山鄉。

印度南開古百城，南詢童子記分明。佛魔錯處俱成俗，
人我相忘是遂生。桀桀甫田孤耒佃，悠悠廣廈萬間營。
蹉跎白首成迂僻，吾道艱難未了情。

流年人事兩相從，繆桂炊珠驀此逢。陀螳涓流何太橫，
漏江百竅又成壅。夸娥掌劈遙難借，莊子魚响驟怎容。
萬里綿綿孤思遠，可堪雲嶺更千重。

彩雲常見爛晴空，野老嬉遊歲歲豐。往事難忘年少日，

浮生同聽太虛中
雷聲迭迭冬前雪
海氣寒吹七月風
莫道邊陲時節異
甘萌惡草報占同

難將鄒管試吹枯
遠邇中邊盡版圖
仁覆有天周四海
顛連含淚向方隅
求芻不惜號羊牧
載魄寧甘化鳥都
徒手傍徨心轉惑
悽聲菜色見聞無

逼糴猶然阻巨津
輸征何處覓紅陳
好音乍喜傳威鳳
江水應難泊涸鱗
草木充腸春信遠
流離遍野雪花頻
云何慈力同悲仰
欲問堂堂佞佛人

王粲當年賦七哀
婦人抱子棄蒿萊
而今幸際承平樂
此事何堪碎見來
天道渺茫難委運
人心吃緊望彌災

願船努力齊篙櫓莫道溝中異已推

山諸溪蕨又黃精博採窮搜漸不名畢竟育人須粒食
難將辟穀教編氓記名耕犢沿家剽入市羸羊唾鬼成
可惜邊方風氣古澆醇散樸陡然更

杯水薪車救怎禁傳聞異事總驚心新魂恨飽觀音土
故鬼難藏校尉金劫量不遺天未遠愁雲猶沍雪山深
豆簞生死鴻毛重人世悠悠自古今

良駟高山興久墮殷心人日強題詩擎空使者瓶何餉
醞海脩羅味不移晴雪芳梅淒瘦影東風楊柳正攢眉
天公好運陶輪轉蠶葉蜂花合並施

羽檄如星曉夜馳
梨花江上嘯梟鴟
居民正苦枵無食
伏莽驚聞蔓欲滋
迢遞三災流疫饑
貧疲千里轉兵師
敝牢急爲亡羊補
翹首風雷雨露施

遲遲春日覆重陰
急切嗷嗷待食心
靈殖有神催早豆
宅迦無藥贍調金
人情自顧原非畜
魚沫相濡促共任
菽價漸平牟麥續
可憐萬殍已冤沉

送楊丹亭遊順寧

丁丑

洱江西去鹿滄來
雙鶴橋邊客思催
眇莽舊遊今記取
春山一路木綿開

古戍深林烟雨昏
行人珍重勉如飡
瘴鄉直是無楊柳

猶有長條到臘門

宋正鸞先生南行草諸集書後

平生慕風雅獨嗜古人真厥道屬情性千載長斯新三百政以達指不聖所諄二事括邈邈世宙此彌淪風化歷正變興觀義無泯楚騷得精髓漢魏挾津源汎濫盛唐代得失千萬端帖括網似龍龍咆奮重淵昌黎格虺蜂李杜光爛然宋初襲晚唐西崑沿晏錢矯矯蘇長公杜韓屹後先汪洋大瀛海今古同波瀾四靈擅江湖滔滔汨金元劍鸞各有適鵬搏見遺山勝國志復古氣象殊前觀潭潔或漢晉閎鉅亦杜韓就中潔精華往往優

孟冠極盛如李何不免
椎鑿斑真境要自得
天地不腐
陳國朝數鉅公頗持
茲義論茲義在天授
養氣直浩然
窠日避卻曲詞彩溢
喧闐人人探驪珠始
覺鱗爪殘寧
知我同時嶺海來
天仙獅乳一滴迸
靡靡兕象孱虛空
碎可立研精挈幽元
稱情自適適清氣滿
人間閱世肝
賢才遇合今古難
落落見聞知瀝胆
披千春

送別芷灣觀察巡部永緬兼攝順郡

鐵橋天半躡飛霓
烟雨蠻荒慰遠黎
舊說相如孫水上
而今遠過浪滄西

海內爭傳題壁詩
岳陽黃鶴興淋漓
崑南奇絕瀾滄水

萬仞江岩稱筆麾

勸高立方同年之旨

支離技重產金輕好看龍蛇傍海行莫教淺人生議論
將無負氣測先生

祿豐張耀南五華同舍生也老健遠遊過榆城遍
訪諸故友感喟殷然

四十年前上舍逢白頭訪舊未龍鍾藏錫布袋俱無用
却不出頭是善鋒

秋感

聞說彌沮水新防禦更開比鄰俱破胆鹽井又成災騎

月重陰積秋陽失信回市糧稍減價淫雨復高臺

雨聲跳瓦異山雪曉幡如蕞爾寒恆若何來氣不舒豆
簞生死細任恤閭閻虛不信黔婁子康居得自如

雲烟散復集雨意其云何只益江湖漲何勞醞釀多痛
深飢饉瘦仰切豆蕎禾牛女也須借懶橋迫架河

也竟晴如洗愁消雨夜心遲回殘月上婁切一蟲吟天
地常能幻盈虛古至今飲河思偃鼠失笑計深沉

疫氣消初定天心憫覆長暖回秋雪後晴趁稻花芳夢
境叢歌哭生涯費村量一隅三可復世道兩難忘

微雲過飛雨日氣落朝霓秋意歸平淡人心賸積迷艱

難存我國吟嘯出花低酒價頻頻減杖頭始欲攜
狂瀾驟雨工龍氣拂腥風祝爾重淵蟄憐茲禾稼功物
情各自逞時令難相蒙餘響入深夜茫茫想網中
異事忘相習田禾十月收可憐酬一飽擔得許多憂沃
瘠殊人事高圓不箸籌深心腐司馬貨殖校諸州
萬慮消跌坐燈花落更生水雲空際響星漢隙中明異
此秋爲氣勞耶耳作鳴歐陽心獨感托意樹間聲

見雁

嘹唳漸分明依微薄太清雲鈎風半捲斜次出山橫

又

萬里隨陽意南溟渚嶼長江源西側度不復阻衡陽

曉意

疏櫺回回入瑤環自起開門月墮山露菊著花都仰面
可無人共獨醒間

宋芷灣觀察招集海樓賦洱海行次原韻

蓬萊始見封禪書海山恍惚浮嶠壺徐福童女風浪驅
少君一去不可呼金銀宮闕雲影摹誰見東海揚塵初
牧龍蔡誕誇仙符仙不愚人人自愚昌黎不肯神山巢
寧有倔強無含糊眼前江山巨清美鴟夷有酒江有魚
使君好客開行厨高談洒洒道之腴此水南蠻舊竊據

自言當兵十萬餘海神封號僭四瀆回首蝸國成郊墟
水德清淨不改趨今今古古深涵濡點蒼冰雪飛爆落
雞足雲嵐蕩影俱古佛神通開隩隅春花雪卉交粵歟
留與幽人塞瓊蘇滔滔不舍千年徂憑誰慕此元洲圖
使君大筆天霞舒來省海民收海租詩情飲興寫真樂
下與坐客攄豪粗從來山水有真氣與人投分分親疏
衡雲遮護神豈徒昌黎一禱情難孤東坡十月見海市
戾常奇理驚瞿儒神仙詩人分不殊我欲探龍公得珠
片鱗一爪我不無云胡不醉醉且扶手詩競作蛟龍吼
海神啞啞知音乎明月過海連西晡水禽浩蕩鳴呼娛

詩耶醉耶力排冪馬蹄踏踏盤空如

閒中傲李義山得六首

迴雪流風作意飛玉人消息皎清暉遙情難向遐荒憩
錦瑟低含笑語微烏爪正思當背癢蟠桃可分洎臣飢
沉香一瓣雙烟起金博山邊獨自依

絳河倏忽又千年渺渺銀濤湖曼延螺女殷勤留穀米
牽牛淒寂貰天錢元洲紫館遲明月翠幃雲駟蕩曉烟
最是良時容易失莫將疏逝解情愆

擲盡元霜憶玉京塵埃踪跡幾多更迎車黃鵠頭斑白
寫韻仙鸞腕瘦生荷露弄珠圓蕩漾梅枝出手凍晶瑩

輸他何物青年子一染奇香却定情

曖曖停雲一晌移橫波曼睽乍迴時采蘭原上花如綺
解佩江頭柳跪枝雌蝶雄蜂幽夢隔瓊樓玉宇閨春知
遊絲三月縈空轉駘蕩芳情未了縻

月娥長好玉輪凭青女淒迷夜漏增梅下詠花人定有
夢中行雨賦難憑承芳願在衣爲帶顧影猶懸鏡有菱
至竟相思成底事種來紅豆著花曾

清溪白石兩相忘蕙帶荷裳濕露灑曾是有媒逢鴉鳥
猶思先戒屬鸞凰絲繁絮亂春迷向佩短絃長意遠將
鴟鴞聲聲芳草晚不堪情事托蒼茫

看雲

冬晴雲氣閒雲閒吐晴嶺卷舒不遮礙厚積浮嵐影崖
壘絡霽雪峯棱荔斜景渙渙欲消痕縷縷茁新穎過澗
龍蜿蜒綴林鶴振警迴翔竟昕夕變化適虛靜無情有
情閒戀戀仙靈境如何雲裏人遠思動馳騁